



**IBARRAKO UDALA**  
(Gipuzkoa)  
Euskal Herria

## **2018KO APIRILAREN 13AN TOKIKO GOBERNU BATZARRAK EGINDAKO OHIKO BILKURA**

**Etorri diren batzordekideak:**

**Mikel Agirrezabala Ezkurdia**

Etorri diren zinegotziak:  
Mikel Agirrezabala Ezkurdia  
Itziar Arratibel Imaz  
Jon Mikel Iglesias Otegui  
Maria Iciar Jauregui Huarte

Lierni Muñoa Salaverria (Kontuhartzailea)

**Idazkaria:** Naia Ruiz de Eguino Garcia-Echave

Ibarran 2018ko apirilaren 13an udaletxeko bilera-aretoan, goizeko hamaikak direnean Tokiko Gobernu batzarrak bilera egin zuen eta alboan adierazitako jaun-andreak elkartu ziren ohiko bilkura egiteko asmoz, horretarako deituta baitzeuden

Egintzaren buru Mikel Agirrezabala Ezkurdia alkatea izan zen eta bitarteko idazkari lanetan Naia Ruiz de Eguino

Udalburuak egintza ireki dela adierazi ondoren, bilkura honetarako ditugun gaiak aztertu eta eztabaidatu dira eta honako erabaki hauek hartu dira

### **LEHENA:**

#### **1.2018KO MARTXOAREN 23KO AKTAREN ONARPENA**

2018ko martxoaren 23an eginiko Gobernu batzarraren akta irakurri ondoren, hona Tokiko Gobernu Batzordeak, aho batez, harturiko

#### **ERABAKIA**

**BAKARRA:** Onartzea 2018ko martxoaren 23an eginiko Gobernu Batzarraren akta



IBARRAKO UDALA  
(Gipuzkoa)  
Euskal Herria

## **BIGARRENA:**

### **2.-2018KO APIRILAREN 10EAN BURUTURIKO EUSKARA ETA HEZKUNTZA BATZORDEAREN INGURUKO ERABAKIAK**

#### **2.1 KIROL ARLOKO DIRU-LAGUNTZAK: 2017KO DIRU-LAGUNTZEN KITAPENEN ONARPENA**

Kirol arloko diru-laguntzak kitatzeko epean, talde guztiek beren kitapenak aurkeztu dituzte, baina hainbat taldek akatsak zituztenez beren kitapenean, horiek konpontzeko epea eman zitzaien taldeei, eta horrela egin dute.

Talde guztiek egoki aurkeztu dute kitapena, eta atzeman da Kirol elkarteak antolatutako bolo eta toka txapelketan emandako diru-laguntza gastu erreala baino handiagoa dela 280,75 eurotan. Hau da, aurreikusitakoa baino gutxiago gastatu dute Kirol elkartekoek.

Ibarrako udaleko diru-laguntzak arautzen dituen Ordenantzak honakoa dio bere 43.3 puntuan:

*43.3. Halaber diruz lagundutako jardueraren kostua gainditzen duten diru-laguntzak, diru-sarrerak edo baliabideak elkartuz gero, diruz lagundutako jardueratik jasotako gehiegizko zenbatekoa itzuli beharko da,*

*Ikusita, kasu honetan diru-laguntzaren zenbateko osoa ez zaiola ordaindu, hau da, %40 ordaintzeko dagoela, bertatik doitu egin beharko da aipatu kopurua. Eragiketa hauxe litzateke:*

Diru-laguntza osoa: 694,25 €

Orain artean ordaindutakoa (%60): 585,00 €

Ordaintzeko pendiente: 390 €.

Gastu errealaren arteko diferentzia: 280,75 €

Orain ordaindu beharrekoa: 109,25 € (390,00 € - 280,75 €)

2018ko apirilaren 10ean eginiko Euskara eta Hezkuntza batzordearen irizpena kontutan izanik, hona Tokiko Gobernu Batzordeak, aho batez, harturiko

**ERABAKIA**



**IBARRAKO UDALA**  
(Gipuzkoa)  
Euskal Herria

LEHENA: Onartzea Sokatira taldeak, Lokatzetan elkarteak, Belabieta Gimnasia erritmikako elkarteak, Sendi Ekintza Pilota Eskolak eta Lauburu Kirol Elkarteak aurkeztutako kitapenak.

BIGARRENA: Honako kopuruak ordaintzea aipatu elkarteei:

A. Urteko programak:

Sendi ekintza pilota eskola:	1.728,00 €
Gimnasia Erritmikoko Belabieta Kirol Kluba:	1.520,00 €
Sokatira taldea:	2.982,29 €
Lauburu Kirol Elkartea:	12.075,71 €

B. Jarduera puntualak:

Lokatzetan Kirol Elkartea:	720,00 €
Sokatira taldea: Euskadi 8x8	280,00 €

HIRUGARRENA: Ibarra Kirol Elkartearen diru-laguntza doitzea eta honako kopurua ordaintzea:

Ibarra Kirol Elkartea:	109,25 €
------------------------	----------

LAUGARRENA: Akordio honen berri ematea aipatu interesatuei (E) eta Kontu hartzailetza arloari (E).

**2.2 KIROL ARLOKO DIRU-LAGUNTZAK: 2018 URTEKO DEIALDIRAKO OINARRIEN ONARPENA**

Kirol arloko diru-laguntzak arautuko dituzten oinarriak aztertu ondoren oinarrietan honako bi aldaketa egin dira:



**IBARRAKO UDALA**  
(Gipuzkoa)  
Euskal Herria

Lehenik, jasotzailearen betebeharretan o) puntua sartu da, eta bertan, taldeei behartzen zaie segurtasun neurriak hartzera. Udaleko eta Kiroldetikiko segurtasun planak neurri batzuk hartzera behartzen ditu taldeak, eta horiek betetzea ezinbestekoa izango da diru-laguntza jaso ahal izateko.

Bestetik, bigarren aldaketak, puntu honekin harremana du. Izan ere, segurtasun neurrien arabera, taldeek puntuazioa jasoko dute eta hori islatu da puntuazio taulan.

Bestalde proposaturiko honako aldaketak barneratzea erabaki da:

Lehena: puntuazioaren taulan, klub federatuen 2. puntuan, Munduko txapelketa mailan jarri beharrean Nazioarteko txapelketa mailan jarri beharko luke, Mundu Txapelketetara ez doazelako talde asko, baina agian gertuagokoetara (Frantzia, Italia edo Portugal) bai.

Bigarrena: Aurrekontu mailako irizpideetan, bere ustez salto handiegia dago 50.000 eta 75.000 euroko aurrekontua dutenen puntuen eta 75.000 euro baino aurrekontu handiagoa dutenen puntuen artean (100 p.). Beraz, tarteko kategoria bat sortzea proposatzen du: 75.000 eta 100.000 euroko aurrekontua dutenei 75 puntu ematea.

Bestalde, diru-laguntzaren zenbatekoa ere handitzea erabakitzen da, eta 48.000 euro beharrean, atal honetako diru-laguntzetan 55.000 euro jartzea adosten da. Diru hori honela banatzea ere adosten dute: 49.700 euro urte osoko jardueretarako eta 5.300 euro jarduera puntaletarako.

2018ko apirilaren 10ean eginiko Euskara eta Hezkuntza batzordearen irizpena kontutan izanik, hona Tokiko Gobernu Batzordeak, aho batez, harturiko

## **ERABAKIA**

**LEHENA:** Onartzea kirol arloko diru-laguntzak arautuko dituzten oinarriak. (Ikus 1. eranskina)

**BIGARRENA:** Oinarriak Gipuzkoako Aldizkari Ofizialean argitaratu eta Ibarako Udaleko Web orrialdean ezartzea



**IBARRAKO UDALA**  
(Gipuzkoa)  
Euskal Herria

### **HIRUGARRENA:**

#### **3.-TOLOSALDEA MANKOMUNITATEAREN HONDAKINEN INGURUKO EKARPENA EGITEAREN ONARPENA**

2018ko apirilaren 04ean 728 erregistro zenbakiarekin Tolosaldea Mankomunitateak 28.263,41 eurotako ekarpena egitea eskatzen dio Ibarra Udalari Ibarra udalerriko hondakinen bilketa eta kudeaketatik.

Aurkezturiko ekarpenaren desglosea aztertu da eta egoki dela ikusi da.

Guztia aztertutik hona Tokiko Gobernu Batzordeak, aho batez, harturiko

#### **ERABAKIA**

**LEHENA.-** Onartzea Tolosaldea Mankomunitateak Ibarra Udalari eskatzen dion 28.263,41 eurotako ekarpena egitea, Ibarra udalerrian honakinen bilketa eta kudeaketatik.

**BIGARRENA.-** Ordainketa egitea agintzea.

**HIRUGARRENA.-** Akordio honen berri Tolosaldeako Mankomunitateari (E) eta Kontuhartzaitzari (E) jakinaraztea

### **4. LAUGARRENA**

#### **4. TOLOSALDEA GARATZENEN ALDE GESTIO PLANAREN ARABERAKO EKARPENAREN ORDAINKETA ONARTZEA**

2018ko martxoaren 27an, 694 erregistro zenbakiarekin, Tolosaldea Garatzenek 2017ko abenduaren 19ko Batzar Orokorrean onartutako Gestio Planaren zehaztutako 2018. urterako egin beharreko ekarpenaren onarpena eta ordainketa egitea eskatzen du.

Guztira 33.030,00 euro izango dira eta bi ordainketetan egitea hitzartu zen. Lehen ordainketa 2018ko martxoaren 30ean aurreikusten zen.

Kontuhartzaitzari proposatzen du Gobernu Batzordeak 33.030,00 eurotako kopuruaren ordainketaren onarpena osoki egitea eta ondoren bi ordainketak agintzea Alkate Dekretu bidez.

Hona Tokiko Gobernu Batzordeak, aho batez, harturiko



**IBARRAKO UDALA**  
(Gipuzkoa)  
Euskal Herria

## **ERABAKIA**

**LEHENA:** Onartzea Tolosaldea Garatzenek 2017ko abenduaren 19ko Batzar Orokorrean onartutako Gestion Planean zehaztutako 2018. urterako egin beharreko ekarpenaren onarpena eta ordainketa egitea.

**BIGARRENA:** Guztira 33.030,00 euroko ekarpena egitea onartzea (ordainketa bi zatitan egingo da).

**HIRUGARRENA:** Erabaki honen berri eman Kontuhartzaitzari eta Tolosaldea Garatzeni.

Eta eguneko gai-zerrendan aztertu beharreko beste gairik ez zegoenez, batzordeburu jaunak egintza amaitutzat eman zuen goizeko hamaikak eta hogeita hamasei direnean, eta nik, idazkari naizen honetan, horixe egiaztatu nahi dut

## **I. ERANSKINA**

### **2018AN KIROL ARLOAN EMANGO DIREN DIRU-LAGUNTZAK ARAUTZEKO OINARRIAK**

Euskadiko Kirolaren ekainaren 11ko 14/1998 Legeak, 2.artikuluan dio kirola dela interes publikoko gizarte-jarduera, pertsonak bete-betean prestatzeko eta garatzeko, bizi-kalitatea hobetzeko eta norbanakoak eta gizartea ondo izateko lagungarria. Era berean, artikulua horrek berak Aginte publikoak, beren eskumen-esparruen barruan, eskubide hori behar bezala gauzatzera gonbidatzen ditu, horretarako sistema osatzen duten sektore eta jarduera desberdinen sustapena helburu duen kirol-politika garatuz.

Azaroaren 17ko 38/2003 Diru-laguntzei buruzko Lege Orokorrak eta berori garatzen duen uztailaren 21eko 887/2006 Errege Dekretuak onartutako erregelamenduak xedatzen dute tokiko udal diru-laguntzak arautzeko oinarriak ezarri beharra dagoela, eta horiek aurrekontua gauzatzeko oinarrien markoan onetsi behar direla, edo diru-laguntzen ordenantza nagusi baten bidez, edo diru-laguntza mota ezberdinetarako ordenantza espezifiko bidez.

Testuinguru horretan, Ibarako Udalak legeak xedatzen dituen sustapen-ekintzak gisa honetako jarduerak egiten dituzten erakundeei eginiko funts transferentzia bidez bideratzen ari da, kirol munduaren barruan hainbat tokitara iritsiz. Sustapen ekintza horiek aurrera eramateko, kasu batzuetan, lankidetzeta-hitzarmenak sinatzen dira eta horietan jasotzen dira helburu zehatzak lortzeko aldeek beren gain hartu behar dituzten



**IBARRAKO UDALA**  
(Gipuzkoa)  
Euskal Herria

betebeharrak. Beste batzuetan, berriz, sustapena erakunde laguntzaileei ematen zaizkien diru-laguntza bidez gauzatzen da.

Diru-laguntzak iragarki, norgehiagoka, objetibotasun eta berdintasun printzipioen arabera emango dira, Herri Administrazioa haiei atxikita baitago, besteak beste, sustapen-jarduerak gauzatzerakoan.

### **1. Xedea**

Oinarri hauen helburua da 2018 urtean Ibarren kirol arloan emango diren eta 4. artikuluan aipatzen diren diru-laguntzen emakida arautzeko oinarri zehatzak ezartzea.

Oinarri hauetan aurreikusitako diru-laguntzak bertan jasotako arauak arautuko dituzte eta baita aplikagarri diren eta indarrean dauden gainerako xedapenek ere (Ibarako Udalaren Diru-laguntzen plan estrategikoa, azaroaren 17ko 38/2003 Diru-laguntzei buruzko Lege Orokorrak eta berori garatzen duen uztailaren 21eko 887/2006 Errege Dekretuak onartutako erregelamenduak).

### **2. Prozedura**

Oinarri hauetako diru-laguntzak norgehiagoka prozedura bidez emango dira, betiere printzipio hauek errespetatuta: publizitate, objetibotasun eta gardentasun, berdintasun, diskriminaziorik eza. Eskumeneko organoak onartutako deialdi publikoaren bidez egingo da deialdia.

### **3. Diru-laguntzaren zenbatekoa.**

Deialdi hau aurrera eramateko ezarritako diru-kopurua 55.000,00 euro izango da. Kopuru hori da 481.341.000.00 2018 partidan kargatuko da.

Diru-laguntza emateko orduan zehaztuko da bakoitzari emango zaion zenbatekoa edota adjudikazio-irizpideetan lortutako puntuazioa. Zenbateko hori balorazio irizpideen arabera lortutako puntuen arabera izango da, betiere interesatuak eskatutako diru kopurua gaindituko ez duelarik.

Zenbateko hori zehatza izango da, eta ez dio erreferentziarik egingo kostu osoaren zatikatze edo portzentajeari.

Diruz lagundutako jardueraren zenbatekoa, diru-laguntzak estaltzen ez duena, onuradunaren beraren funtsen bitartez estaliko da edo beste diru-laguntza edo baliabideen bitartez, beti ere, azken hori bateragarria baldin bada oinarri hauetan zehaztutakoarekin. Diru-laguntzaren zenbatekoa ez da izango inolaz ere, bera bakarrik edo beste diru-laguntzekin batera, diruz lagundutako jardueraren kostuaren % 100 baino handiagoa.



**IBARRAKO UDALA**  
(Gipuzkoa)  
Euskal Herria

Salbuespen modura, aurrekontua izateagatik edo beste arrazoi bategatik, organo emaleak, aldez aurretik justifikazio-txostena egingo balu, diru-laguntzen zenbateko osoaren hainbanaketa egin dezake onuradunen artean.

#### **4. Diruz lagundu daitezkeen ildo eta programak**

Diruz lagundu daitezkeen ildo eta programatzat jo daitezke udalerrian garatuko diren kirol jarduerak edo programak, bai eta xede-talde gisa ibarrako herritarrak dituztenak ere, honako modalitateak ezberdintzen direlarik:

- kirol jarduerak: urteko programa
- kirol jarduerak: jarduerak zehatzak

Diruz lagundutako gastutzat joko dira diruz lagundutako jardueraren izaerari dagozkionak eta oinarri hauetan ezarritako epeen barruan egiten direnak.

Ibarrako Udalaren Diru-laguntzen Ordenantza Orokorraren 28. artikuluan ezarritakoaren arabera, diruz lagundutako proiektua aurrera eramateko lege- edo finantza-aholkularitza gastuak, notario-gastuak eta peritu-gastuak diruz lagundu daitezke baldin eta diruz lagundutako jarduerarekin harreman zuzena badute eta berorren prestakuntza edo gauzatze egokirako ezinbestekoak badira.

Diru-laguntzaren onuradun den elkarteak edo pertsonak jardueraren antolakuntzak dakartzan ardurak beregain hartuko ditu, aipatu jarduerak bermatzen duten beharrezko aseguru-polizak itunduz.

Oinarri hauek arautzen dituzten diru-laguntzen emakidak ez dakar berarekin udalaren eta diru-laguntzaren onuradun den elkartearen artean inolako izaera zibileko, lan izaerako, administrazio izaerako edo bestelako izaerako kontratu-harremanik.

Diru-laguntza hauetatik kanpo geldituko dira kirol entitate eskatzaileak zuzenean antolatu ez dituen jarduerak edo proiektuak.

#### **5. Onuradunak**

Arau hauetan jasotako diru-laguntzak eska ditzakete Ibarrako udalerrian egoitza edo ordezkari iraunkorra duten irabazi asmorik gabeko erakunde juridikoek, baldin eta 4. art.an jasotako jarduerak programaren bat garatu nahi badute eta oinarri hauetako baldintzak nahiz diru-laguntzei buruzko araudiak ezarritakoak betetzen badituzte.

Diru-laguntzak jaso ahal izango dituzte legez eratuta eta Eusko Jaurlaritzako kirol elkarte-erregistroan inskribatuta dauden Ibarren errotutako eta deialdi honetako jardueretara eskainitako erakundeak. Horrez gain, diru-laguntzen azaroaren 17ko 38/2003 Lege Orokorraren 12. artikuluan xedatutako baldintza guzti-guztiak bete beharko dituzte.





**IBARRAKO UDALA**  
(Gipuzkoa)  
Euskal Herria

Pertsona fisiko edo juridikoek osaturiko taldeek, publiko nahiz pribatu izan, eta izaera juridikorik ez badute, baldintza hauek bete beharko dituzte:

- a) Taldearen ordezkari edo ahaldun bakar bat izendatu beharko dute, onuradun gisa dagozkion betebeharrak betetzeko nahikoa aginpiderekin, aplikatuko baitzaio 38/2003 legearen 11. artikulua.
- b) 38/2003 Legearen 39. eta 65. artikuluetan tipifikatutako diru-laguntzaren itzulketa onartzeko edo kitatzeko preskripzio-epea amaitu arte taldea ez desegiteko baldintza beteko dutela adierazten duen zinpeko aitortza.

## **6. Baztertuak**

Deialdi honetatik kanpo gelditzen dira ondorengoak:

- a) Ebazpen irmo bidez diru-laguntzak edo laguntza publikoak jasotzeko eskubidea galdu dutenak.
- b) Konkurtso-deklarazioa eskatu dutenek, edozein prozeduretan kaudimengabe aitortua izan direnak, konkurtso-deklarazioan jada daudenak, esku-jartze judizialera lotutakoak edo konkurtso sailkapen sententzian ezarritako ez gaitasun epea amaitu gabe Konkurtso Legearen arabera ez gaitutako pertsonak
- c) Administrazioarekin eginiko edozein kontratu bertan behera uzteko errudun aitortuak izan direnak.
- d) Pertsona fisikoa, merkataritza sozietateetako administratzaileak edota beste pertsona juridiko batzuen legezko ordezkariak izan direnak sartuta daudenean kontratatutako bateraezintasun kasuren batean, bakoitzean aplikaziokoa den legeria espezifikokoaren arabera; edo Hauteskunde Araubide Orokorraren ekainaren 19ko 5/1985 Lege Organikoak erregulatzen dituen hautetsi karguren bat izatea.
- e) Egungo xedapenek ezarritako zerga edo gizarte segurantzari buruzkoak betebeharrak ez betetzea.
- f) Zerga egoitza erregelamenduz paradisu fiskal gisa sailkatutako herrialde edo lurralde batean dagoenean.
- g) Udal honek emandako diru-laguntzak itzuli behar izateagatik sortutako obligazioak ordaindu gabe dituztenean.
- h) Diru-laguntzak itzultzeko betebeharrean egonik, ordainketa eginda ez dutenek (diru-laguntza itzultzeko prozeduran zordun gisa )
- i) Diru-laguntzen Lege Orokorraren edo Zergei buruzko Legearen arabera, diru-laguntzak lortzeko aukera ebazpen irmo bidez galduta dutenek.



**IBARRAKO UDALA**  
(Gipuzkoa)  
Euskal Herria

- j) Entitatearen ordezkariaren baten lege-bateraezintasuna Udaleko langile edo hautetsiekin.
- k) Era berean, ezingo da diru-laguntzarik eman, Ibarako Udalarekin dituzten zorreatatik premiamendu bidezko kobrantza prozeduretan sartuta edo udal entitate honekin zerga obligazioak bete gabe dauzkaten partikularrei edo entitateei, aipatu zorrak ordaindu eta kitatu arte.
- l) Beren jardueraren izaera sozial edo pertsonalaren bitartez, diskriminazioaren bat bultzatzen duten erakunde edo pertsonak

## **7. Onuradunen betebeharrak.**

Onuradunen betebeharrak hauek dira:

- a) Hizkuntza irizpideak betetzea: Ibarako udalean eta udalerrian euskararen erabilera normalizatzeko arauaren arabera, honako hizkuntza irizpideak bete beharko dituzte:

*32.1.1. Ibarako Udalarengandik diru-laguntzaren bat jasotzen duten elkarte eta erakundeek, pertsona fisikoek nahiz entitate juridikoek diruz lagundutako beren jardunean argitaratzen dituzten idatzi, iragarki, ohar eta gainerakoak euskaraz eta gaztelaniaz idatzi eta ezagutzera eman beharko dituzte. Era berean, ospakizun zehatzetan bozgorailu bidez ematen dituzten mezuak euskaraz eta gaztelaniaz eman beharko dituzte.*

*32.1.2. Aurreko paragrafoko elkarte, erakunde, pertsona fisiko edo juridikoek euskaraz eta erdaraz egiten diren adierazpenetan, eta batez ere ahozkoetan, euskarazkoari eman beharko diote lehentasuna.*

Diru-laguntza kudeatzeko eskumena duten organoek bidezkoak diren neurriak hartuko dituzte onuradunek puntu honetan xedatutakoa betetzen dutela egiaztatzeko.

- b) Helburua betetzea, egitasmoa burutzea, jarduera egitea edo diru-laguntza emateko arazoaren arabera jokatzeta.
- c) Udalaren aurrean diru-laguntza emateko jarritako baldintzak betetzen dituela, jarduera burutu eta helburua bete dela egiaztatzea.
- d) Diru-laguntza ematen duen organoak egingo dituen egiaztapen jarduerak onartzea, baita eskumena duten kontrol-organoen, nazionalen nahiz komunitarioen, egiaztatze edo finantzen kontrolerako egin dezaketen beste edozein egiaztapen jarduera ere. Jarduera horietan eskatutako informazio guztia eman beharko du.
- e) Diruz lagundutako jarduerak finantzatzeko bestelako diru-laguntza, laguntza, diru-sarrera edo baliabideak lortuz gero, diru-laguntza ematen duen organoari jakinaraziko



**IBARRAKO UDALA**  
(Gipuzkoa)  
Euskal Herria

dio. Jakinarazpen hori bestelako laguntzen berri izan bezain pronto emango da, edo gutxienez onartutako diru-laguntzari emandako aplikazioaren egiaztapena egin baino lehen.

f) Eskura izango ditu honakoak: Kontabilitate liburuak, erregistro eguneratuak, eta onuradunari kasu bakoitzean aplika dakioken merkataritza legedian eskatutako terminoetan ikuskatutako bestelako agiriak; baita diru-laguntzak arautzen dituen oinarrietan eskatutako kontabilitate egoera eta erregistro zehatzak ere; honela egiaztapen eta kontrol ahalmenak era egokian gauzatzea bermatzen da eta.

g) Jasotako diru-laguntzak zertan erabili dituen egiaztatzen duten dokumentuak gordeztea, dokumentu elektronikoak barne, egiaztapen eta kontrol jardueretarako gai izan daitezkeen bitartean behintzat.

h) Diru-laguntza jasotzen duen jardueraren berri emateko neurriak hartzea; hau da, onuradunak Ibarra udalaren diru-laguntza jasotzen duten programa, jarduera edo ekintzen finantzazioaren izaera publikoaren publizitatea egin beharko du.

i) Oinarri hauetan aurreikusitako baldintzaren bat gertatuz gero jasotako dirua itzuli egin beharko du.

j) Diru-laguntza ematerakoan kontuan hartutako edozein inguruabar aldatu egingo balitz diru-laguntza ematen duen organoari jakinarazi behar zaio.

k) Edozein motatako zerga obligazio (tokikoak zein gizarte segurantzakoak) eta eskatzailearen nortasuna egiaztatu beharko dira, diru-laguntza emateko eskaerak aurkezteko epea amaitu baino lehen, norgehiagoka kasuetan, eta erabakitzeko proposamena egin baino lehen, gainerako kasuetan.

Halere, onuradunari urte osoan emandako diru-laguntzen kopuru metatuak ez baditu 1.000 euro gaintzen, aipatu obligazioak betetzen dituela egiaztatzeko, alderdi horien gaineko erantzukizun aitortza aurkeztu behar du.

Izaera juridiko zehatzik ez duten taldeetan, elkarte edo antzekoetan baldintza hau egiaztatu beharko da taldea ordeztzen duen pertsonaren zinpeko aitortzearen bidez eta aitortuko du ez duela zorrik administrazioarekin. Egiaztatze hau loturik dago, gainera diru-laguntza arautzen duten gainerako arauekin.

l) Dagokion publizitatearen bidez, diru-laguntzen xede diren programak, jarduerak, inbertsioak edo jarduketak Ibarra Udalak finantzatzen dituela egoki zabaltzea, betiere betebehar hori dagokion deialdi, hitzarmen edo ebazpenean eskatzen bada.

m) Jasotako funtsak itzultzea, diru-laguntzen ordenantza orokorrean eskatzen den kasuetan.

n) Genero ikuspegia txertatzea diruz lagundutako proiektu edo jardueretan, bai eta emakumearen parte hartzea sustatzea ere.



**IBARRAKO UDALA**  
(Gipuzkoa)  
Euskal Herria

o) Udalak eskatutako segurtasun neurriak hartzea egiten diren jardueretan, eta horiek betetzen direla egiaztatzea.

### **8. Diru-laguntzen bateragarritasuna.**

1. Oinarri hauetan aurreikusitako laguntzak bateragarriak izango dira bai beste Herri Administrazioek emandako diru-laguntzekin bai erakunde publiko nahiz pribatuek emandakoekin, helburua eta xedea berberak izanda ere.

2. Beste laguntza batzuen pilaketa kasuetan, diru-laguntzen baturak ezingo du diruz lagundutako jardueraren kostua gainditu. Horrelakorik gertatuz gero, aipatu kopurua ez gainditzeko, ematekoa den diru-laguntza murriztuko da Oinarri hauen kontura.

### **9. Eskabideak, dokumentazioa eta aurkezteko epea.**

Deialdi honek aurreikusten dituen diru-laguntzak jasotzeko eskabideak, deialdia Gipuzkoako Aldizkari Ofizialean argitaratzen denetik 20 eguneko epean aurkeztu ahal izango dira, Udaletxeko erregistroan (San Bartolome plaza, 2, 20.400 Ibarra).

Laguntzak jasotzeko eskaerak ondoko dokumentazioarekin batera aurkeztu beharko dira:

1. Eusko Jaurlaritzako Kirol Elkarten eta Entitateen Erregistro Orokorrean inskribatu izanaren ziurtagiria, edo, 5.oinarriko dokumentazioa.
2. Kirol arloko erakundearen identifikazio fiskaleko kodearen (I.F.K.) fotokopia eta erakundearen ardura duen pertsonaren NAREN fotokopia.
3. Diru-laguntza eskaera normalizatua, behar bezala bete, honekin batera doan ereduaren arabera.
4. Elkarte eskatzaileak irekitako kontu korrontearen titularitatea ziurtatzen duen Banketxe edo Aurrezki Kutxaren agiria.
5. Beste ekarpen edo diru-laguntzei buruzko zinpeko aitortpena.
6. Diru-laguntza eskatzen den jarduera bakoitzeko eranskin bat behar bezala beteta.
7. Gizarte Segurantzarekiko betebeharrak eta zerga betebeharrak bete izana egiaztatzen duen agiria (edo, hala badagokio, 4. Eranskina, dagokion moduan beteta).



**IBARRAKO UDALA**  
(Gipuzkoa)  
Euskal Herria

8. 2017. urteko jardueretako kirolarien kopurua eta haien izenen zerrenda, bertan adieraziz bakoitza non erroldatua dagoen.

9. Erakundearen estatutuak.

10. Zinpeko aitortpena, diru-laguntzak jasotzeko inolako debekutan sartuta ez dagoela egiaztatzeko. Debeku horiek azaroaren 17ko 38/2003 Legearen 2. eta 3.artikuluetan zehaztutakoak izango dira.

11. Jardueraren memoria

12. Monitore eta/edo entrenatzaileen titulazioa egiaztatzeko agiriak.

Aurreko paragrafoko 1., 2., 4. eta 9. puntuan zehaztutako agiriak beste deialdiren batean aurkeztu izan badira, eta deialdi horretatik gaur egunera aldatu ez badira, eskatzaileak zinpeko aitortza bat aurkeztu ahal izango du non aitortzen duen aipatu dokumentazioa jada aurkeztua duela eta dokumentazio hori indarrean jarraitzen duela eta ez duela aldaketarik jaso.

Eskatzaileak aurkeztutako agiriak osagabeak edo oinarrietan ezarritako baldintzak betetzen ez dituztela egiaztatzen denean, interesatuari dei egingo zaio hamar laneguneko epean akatsak zuzen ditzan edo beharrezko agiriak aurkez ditzan, eta ohartaraziko zaio hala egingo ez balu eskaria baliogabetua geratuko dela eta besterik gabe artxibatu egingo dela, indarrean dagoen araudiari jarraiki.

Behin eskaera onartua dagoenean, Udalak beharrezkoak dituen argibide eta dokumentuak eska ditzake.

Jarduera baterako diru-laguntza eskatze hutsaren ondorioz, onartu egiten da diru-laguntza hori ematea arautzen duten oinarriak ezagutzen eta onartzen direla.

Eskaera aurkezteak ez du, berez, diru-laguntza jasotzeko eskubiderik ematen, diru-laguntza orok berekin duen iritzia araberako izaera baitu diru-laguntza honek ere.

### **10. Baloratzeko irizpideak.**

Diru-laguntza norgehiagoketa bidez emango da; horrek esan nahi du, diruz lagundutako jardueren kalitatea eta bideragarritasuna bermatuko duten diru-laguntza kopuru mugatu bat hautatuko dela, kasu bakoitzean zehaztutako irizpideen arabera.

Honako formulazioa erabiliko da diru-laguntzak emateko orduan:

1.  $A / B = C$ 
  - a. A: balorazio irizpideekin lorturiko puntuazio osoa
  - b. B: aurreikusirik dagoen aurrekontua ( urteko programa 42.700 euro eta jarduera zehaztetan 5.300 euro)



**IBARRAKO UDALA**  
(Gipuzkoa)  
Euskal Herria

c. C: puntuen balioa

2.  $A \times C =$  emango den diru-laguntzaren kopurua

Diru-laguntzak esleitzerakoan, honako arloak kontuan hartuko dira baldin eta egindako eskarian agertzen badira:

<b>KIROL ELKARTE FEDERATUAK</b>	
<b>1. Federazioetako kirol-lizentziak.</b>	
* Federatuen lizentzia bakoitzeko	2 p.
* Emakume federatuen lizentzia bakoitzeko	2,25 p.
<b>2. Taldearen lehiaketa esparruaren arabera.</b>	
* Gipuzkoa mailan	5 p.
* Autonomia erkidego mailan	10 p.
* Estatu mailan	15 p.
* Nazioarte mailan	20 p.
<b>3. Bazkide kopuruagatik</b>	
* 30 bazkide baino gutxiago	0 p.
* 31 eta 70 bazkide artean	10 p.
* 71 eta 100 bazkide artean	30 p.
* 101 bazkide baino gehiago	100 p.
<b>4. Kirolari bakoitzeko urteko kuota</b>	
* Urtean 100€ baino gutxiago	0 p.
* Urtean 100€ eta 200€ artean	10 p.
* Urtean 200 € baino gehiago	20 p.
<b>5. Aurrekontu mailako irizpideak</b>	
* 25.000 euro arteko aurrekontua	10 p.
* 25.000-50.000 euro arteko aurrekontua	15 p.
* 50.000-75.000 euro arteko aurrekontua	50 p.
* 75.000-100.000 euro arteko aurrekontua	75 p.



**IBARRAKO UDALA**  
(Gipuzkoa)  
Euskal Herria

* 100.000 euro baino gehiago	100 p.
<b>6. Udalak emandako diru-laguntzetan % zenbatekoa aurrekontuan</b>	
* Aurrekontuaren %0tik %20ra	30 p.
* Aurrekontuaren %20tik %25era arte	10 p.
* Aurrekontuaren %25etik aurrera	0 p.
<b>7. Aurreko ekitaldiko balantzean guztira agertzen diren diru-sarreratik entitate pribatu edo enpresetako jatorria duten (babesleak edo laguntzak) diru-sarreraren bolumena kontuan izanda.</b>	
* Diru-sarreraren % 10 arte	5 p.
* Diru-sarreraren % 11 eta %30 artean	10 p.
* Diru-sarreraren %31 eta %50 artean	15 p.
* Diru-sarreraren %50 baino gehiago	20 p.
Ez badute aurreko ekitaldiko balantzea aurkezten ezin zaie atal honetako baremoa aplikatu.	
<b>8. Herritar guztiei zuzendutako aisialdiko kirol-jarduerak antolatzeagatik.</b>	
* Puntualak	5 p.
* Urtero	10 p.
<b>9. Kirolariak Ibarakoak izateagatik.</b>	
* Ibarakoak % 100	20 p.
* Ibarakoak % 99-%85	15 p.
* Ibarakoak % 84-%70	10 p.
* Ibarakoak % 69 baino gutxiago	5 p.
<b>10. Euskararen hizkuntz erabilera</b>	
* Euskara hutsean	10 p.
* Euskara eta beste hizkuntzak tartekatzea	5 p.
* Beste hizkuntzak	0 p.
<b>11. Ibaran jokatzeko diren jardunaldiengatik</b>	
* 0-1 jardunaldi	0 p.
* 1-10 jardunaldi	10p.
* 10 jardunalditik gora	30 p.
<b>12. Lizentzia indarrean duten kirol titulazioagatik</b>	
* Oinarrizko entrenatzaile/monitore/epaile	1 p.



**IBARRAKO UDALA**  
(Gipuzkoa)  
Euskal Herria

* Erdi mailako entrenatzaile/ magisteritza espezializatu/kirol eta jarduera fisikoko teknikoa	3 p.
* Goi mailako entrenatzailea /jarduera fisikoaren eta kirolaren zientzietan teknikoa	10 p.
* Jarduera fisikoaren eta kirolaren zientzietan lizentziatua, maisutasunez	15 p.
Puntuazio bakoitzari %50 gehituko zaio entrenatzaileak emakumeak badira.	
<b>13. Herriko eragile edo taldeekin hitzarmenak izatea</b>	40 p.
<b>14. Haur, nerabe eta gazteekin oinarritzko kirola lantzea</b>	
* 0-10 kide	10 p.
* 11-20 kide	20 p.
* 21 kide baino gehiago	30 p.
<b>15. Segurtasunean erabilitako aurrekontu mailako irizpideak</b>	
* 100 euro arteko aurrekontua	2,5 p.
* 101 - 500 euro arteko aurrekontua	5 p.
* 500 euro baino gehiago	10 p.
Oinarri hauetan araututako diru-laguntzak emateko izendatutako kreditua 49.700,00€-koa da. Kreditu hau 481.341.00.00 2018 aurrekontu atalari dagokio.	

<b>EKITALDI BEREZIAK</b>	
<b>1. Gertaeraren jarraikortasuna</b>	
* 50 urtetik gora.	15 p.
* 15-49 urte artean.	10 p.
* 6-14 urte artean.	5 p.
* 5 urtetik behera.	0 p.
<b>2. Gertaeraren egun kopurua</b>	
* 3 egunetik gora.	15 p.
* 2/3 egun	10 p.
* Egun 1	5 p.
<b>3. Parte-hartzaile kopurua</b>	





**IBARRAKO UDALA**  
(Gipuzkoa)  
Euskal Herria

* 500-2.500 parte-hartzaile artean	20 p.
* 250-500 parte-hartzaile artean	15 p.
* 100-250 parte-hartzaile artean	10 p.
* 50-100 parte-hartzaile artean	5 p.
* 50tik behera	1 p.
<b>4. Genero berdintasuna sustatzeko bereziki antolatutako jarduerak</b>	10 p.
<b>5. Bertako kirola</b>	20 p.
<b>6. Aurrekontu mailako irizpideak</b>	
* 10.000-30.000 euro arteko aurrekontua	15 p.
* 6.000-10.000 euro arteko aurrekontua	10 p.
* 6.000 euro baino aurrekontu txikiagoa	5 p.
<b>7. Aurreko ekitaldiko balantzean guztira agertzen diren diru-sarreratik entitate pribatu edo enpresetako jatorria duten (babesleak edo laguntzak) diru-sarreraren bolumena kontuan izanda.</b>	
* Diru-sarreraren % 10 arte	5 p.
* Diru-sarreraren % 11 eta %30 artean	15 p.
* Diru-sarreraren % 31 eta %50 artean	30 p.
* Diru-sarreraren % 50 baino gehiago	50 p.
<b>8. Segurtasunean erabilitako aurrekontu mailako irizpideak</b>	
* 100 euro arteko aurrekontua	2,5 p.
* 101 - 500 euro arteko aurrekontua	5 p.
* 500 euro baino gehiago	10 p.
Oinarri hauetan araututako diru-laguntzak emateko izendatutako kreditua 5.300,00 €-koa da. Kreditu hau 481.341.00.00 2018 aurrekontu atalari dagokio.	

Diruz laguntzekoak izan daitezkeen beste proposamen batzuen programarekin bat ez datozen aldetik, izaera soileko diren proiektuak edo elkarteak aurkezten direnean, irizpide nagusia izango da diru-laguntza ematea, ziurtatuz programa edo proiektua irizpide hauen arabera gauzatuko dela: Aurrekontuen bideragarritasuna, jarduerarako aurreikusitako defizita, eta hala badagokio, aurreko urteetan jarduera bererako emandako diru-laguntzaren zenbatekoa.



**IBARRAKO UDALA**  
(Gipuzkoa)  
Euskal Herria

Bide egokiena dela baloratzen den kasuetan, Udalak hitzarmen modalitatea ezarri ahal izango du interesatuekin. Hitzarmen horrek, entitatearen ordain gisa jasoko ditu urteko programak sustatzeko eta zabaltzeko eremuak ekintza zehatzak garatzea eta gauzatzea.

### **11. Prozeduraren instrukzioa.**

Diru-laguntzak emateko prozeduraren instrukziorako organo eskuduna Kirol Batzordea izango da.

Organo horrek dagokion organo eskudunari aurkeztuko dio proposamena. Erabakitzekeo proposamen horrek honako hauek jaso behar ditu:

- Eskaeren ebaluazioa.
- Diru-laguntza jasotzeko proposatzen den eskatzaileen zerrenda
- Diru-laguntzaren zenbatekoa.

Tokiko Gobernu Batzarra izango da prozedura hori erabakitzekeo eskumena izango duen organoa.

Organo instruktoreak eska diezaieke interesdunei behar adina argibide eta informazio nahiz agiri prozedura izapidetzeko eta, oro har, ebazpena eman behar deneko datuak egiaztatzekeo beharrezko direnak.

Diru-laguntza norgehiagoka bidez emango da eta kasu bakoitzean ezarritako irizpideen arabera, laguntza kopuru bat erabakiko da, diruz lagundu diren jarduketan kalitatea eta bideragarritasuna bermatuko duena.

### **12. Ebazpena**

Prozedura hori erabakitzekeo eskumena izango duen organoa Tokiko Gobernu Batzarra izango da. Epea hiru hilabetekoa izango da, deialdiaren iragarkiaren egunetik kontatzen hasita, baldin eta organoak berak data atzeratzen ez bada aurrekontu bitartekoak direla eta.

Gehienezko epe hori igarota, eta ebazpenik eman ez bada, eskatzaileak ezetsizat joko du bere diru-laguntza eskaera, azaroaren 17ko diru-laguntzei buruzko 38/2003 lege orokorrak 25.5 art.an ezarritakoari jarraiki. Administrazio Publikoen Administrazio Prozedura Erkideari buruzko urriaren 1eko 39/2015 Legeak 24. art.an aurreikusitakoaren arabera, eskaerak ezetsi egingo dira eskaerak aurkeztekeo epea amaitu eta hiru hilabetera ebazpenik eman ez bada.

Ebazpena oinarri hauetan jasotako baldintza eta irizpideen arabera arrazoituko da, eta prozeduran egiaztatu beharko dira hartutako erabakiaren oinarriak.

Diru-laguntzaren ebazpenak alderdi hauek jasoko ditu:

- \* Onuradunaren identifikazio datuak
- \* Diru-laguntzaren xedea.
- \* Emandako gehienezko zenbatekoa.



**IBARRAKO UDALA**  
(Gipuzkoa)  
Euskal Herria

\* Diruz lagundutako jarduera burutzeko eta zuritzeko epea.

**13. Diru-laguntzaren zuriketa.**

Diru-laguntza emanda, onuradunak honakoa egiaztatuko du:

- a) Emandako zenbatekoa helburua betetzeko eta diruz lagundutako jarduera burutzeko bideratu dela.
- b) Lorturiko emaitzak.

Egiaztatzea behar-beharrezkoa da betebeharrak aitortzeko eta kitapenerako.

Pertsona nahiz erakunde publiko edo pribatuei emandako diru-laguntzak zuritzeko honako agiriok aurkeztuko dira:

1. Egindako jardueraren edo programaren azalpen-memoria, zeinek gutxienez, atal hauek izango ditu:
  - a. Programaren edo proiektuaren izena.
  - b. Diru-laguntza ematearen helburua, aurkeztutako aurrekontuaren eta proiektuaren arabera.
  - c. Gauzatutako jarduerak, proposatutako helburuak eta lortutako emaitzak deskribatzea.
  - d. Proiektua edo jardueraren garapenean egindako aldaketak.
  - e. Finantza baliabideen zerrenda: Diru-laguntzarekin finantzatutako jardueren deskribapena eta kostua, baita diru funts propioekin edo beste diru-laguntza batekin finantzatutako beste jarduera batzuenak ere.
  - f. Objektibagarriak diren heinean, pertsona onuradun-eskatzaileen datuak sexuaren arabera bereizita, baldin eta horrelaxe adierazten bada dagozkien oinarrietan.
  - g. Ondorioak.
2. Memoria ekonomikoa, egindako jardueren kostua justifikatuko duena; gutxienez dokumentu hauek bilduko ditu:
  - a. Diruz lagundutako jardueren diru-sarreraren eta gastuen balantzea, erakundearen idazkariak sinatutakoa eta dagozkion zigiluarekin.



**IBARRAKO UDALA**  
(Gipuzkoa)  
Euskal Herria

- b. Izandako gastuak eta lortutako diru-sarreraren zerrenda ordenatua eta sekuentzialki zenbatutakoa, kontzeptuka antolatuta eta emaitzak guztira islatzen dituen. Gastuen zerrendak hau jasoko du:
    - i. Hartzekodunaren identifikazioa.
    - ii. Dokumentuaren identifikazioa.
    - iii. Zenbatekoa.
    - iv. Igorpen data.
    - v. Ordainketa data.
    - vi. Merkataritza zirkulazio juridikoan baliokide diren fakturak edo dokumentuak, edo administratiboki eraginkorrak direnak, aurreko paragrafoan aipatutako zerrendan jasotzen direnak, eta hala badagokio, ordainketaren dokumentazio akreditatiboa. Dokumentu horien fotokopiak aterako dira eta konpultsatu egingo dira; kudeaketa zerbitzuak berretsiko ditu eta jatorrizko dokumentuak interesatuari itzuliko zaizkie. Jatorrizko dokumentuak edo kopia konpultsatuak erakunde onuraduneari geratuko dira gutxienez lau urtez. Erosketa tiketak edo ordainagiriak onartuko dira, 20,00 € baino txikiagoak badira eta guztira jasotako diru-laguntzaren % 10 gainditzen ez bada.
  - c. Diruz lagundutako jarduera finantzatu duten diru-sarreraren eta diru-laguntzen zerrenda xehatua, zenbatekoa eta jatorria adieraziz.
  - d. Fakturak ematen dituen erakunde bat BEZetik salbuetsita badago, salbuespen hori dagoela berresten duen erakunde eskudunak emandako ziurtagiria ere aurkeztu behar da.
  - e. Langileei dagozkien gastuak soldata-gastu gisa justifikatzeko, dokumentu hauek aurkeztu behar dira: Lan kontratuen kopiak, hartzaileak sinatutako dagozkien nomina ordainduak, edo hala badagokio, bankuko abonua-agiria, eta Gizarte Segurantzaren kotizatu izanaren ziurtagiriak.
  - f. Hartzekodunen ordainketa ziurtagiria banku zordunketa bidez egin behar da, modu zuzenean sinatutako "jaso agiria", edo aurkeztutako fakturak ordaindu izanaren beste dokumentu-ziurtagiri bat.
3. Programa edo jardueraren propagandarako egin diren kartelen kopiak eta hizkuntzaren erabilera justifikatzen duen dokumenturen bat.
  4. Gizarte Segurantzarekiko betebeharrak eta Udalaren nahiz Foru Ogasunaren zergak kitatuta dituela egiaztatzen duen agiria.



**IBARRAKO UDALA**  
(Gipuzkoa)  
Euskal Herria

Udalak, dagozkion bide guztiak erabiliz, emandako diru-laguntzen erabilera aztertu ahal izango du.

**14. Diru-laguntza justifikatzeko epea.**

14.1.- Urteko programazioa: 2019ko otsailaren 14a.

14.2.- Ekintza puntualak: Ekintza gauzatu eta 45 egun naturaleko epean justifikatuko da.

2019ko lehiaketaren ondorioz jaso beharrekoa ez da aurreko urtekoa zuritu arte jasoko.

**15. Diru-laguntzaren ordainketa.**

Ordainketa egingo da onuradunak egiaztatzen duenean diru-laguntza eman zitzaioneko helburua bete dela eta jarduera burutu izana eta gastua egin izana justifikatzen duenean.

Ez da ordainketarik egingo onuraduna zerga betebeharretan eta gizarte segurantzako betebeharretan egunean ez bada, edo zorduna bada eta ebazpen bidez itzulketa agindu bada.

Ordainketa zatikatuen bidez ordainduko da, diruz lagundutako jarduerak burutzen diren neurrian eta aurkeztutako justifikazioaren arabera zenbatekoa emango da oinarri hauei jarraiki.

15.1.- Urteko programazioa:

Diru-laguntzak bi epetan ordainduko dira: Erabakiaren jakinarazpenarekin batera taldeari diru-laguntzaren %60 ordainduko zaio. Gainerako %40 jarduera edo egitasmoaren justifikazioari onespina ematen zaionean ordainduko zaio.

15.2.- Ekintza puntualak.

a) Hiru mila eurotik beherako diru-laguntza jasotzen duten ekintza puntualak: Diru-laguntzaren %100 ekintza gauzatu baino astebete lehenago ordainduko zaio.

b) Hiru mila eurotik gorako diru-laguntza jasotzen duten ekintza puntualak: Ekintza gauzatu baino astebete lehenago diru-laguntzaren %60 ordainduko zaio. Gainerako %40 ekintzaren justifikazioari onespina ematen zaionean ordainduko zaio.

**16. Ordainketa aurrerakina**

Diru-laguntza ematen duen organoak, ordainketa aurrerakinak erabaki ditzake onuradunei emandako diru-laguntzetan, diru-laguntza horien jarduketei loturiko finantzazio beharretarako.

**17. Publizitatea.**



**IBARRAKO UDALA**  
(Gipuzkoa)  
Euskal Herria

Diruz lagundutako jardueri buruzko publizitatean, beti Ibarako Udalaren lankidetzaz adierazi beharko da.

Propaganda, bai ahozkoa bai idatzizkoa, euskaraz ere egin beharko da.

Diru-laguntzen onuradunek konpromisoa hartuko dute emakumeentzat iraingarria edo baztertzaila izan daitekeen propagandarik ez erabiltzeko.

### **18. Kontrol eta jarraipena.**

Diru-laguntzen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Diru-laguntzen finantza kontrola Ibarako Udalaren Diru-laguntzen Ordenantza Orokorraren 48. eta 49. artikuluetan xedatutakoari jarraiki egingo da.

Oinarri hauetako onuradunak behartuta daude kontrol finantzarioa egiten duten funtzionarioei lankidetzaz eskaintzera eta horretarako eskatzen zaizkien agiriak eta beharrezko informazioa eskuratuko diete.

Jarraipen eta kontrol prozesu horretan oinarri hauetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

### **19. Emandako diru-laguntzen aldaketak**

Emakidaren baldintzak aldatzeak edo onuradunak aitortu gabeko bestelako diru-laguntza edo laguntzaren bat jasotzeak, batera edo bakarka, lagundutako proiektuaren kostua gainditzen bada, diru-laguntzaren ebazpena aldatzea ekarriko du eta jasotako dirua itzultzera behartuko da.

### **20. Emandako diru-laguntzaren itzulketa.**

Oinarri hauetako diru-laguntzak lotuta daude Ibarako Udalaren Diru-laguntzen Ordenantza Orokorraren itzulketa araubideari.

Elkarte baten aldetik deialdi honetan aurreikusten diren oinarrietako bat ez betetzeak diru-laguntza iraungiaraztea edo gutxitzea ekarriko du. Dena den, Ibarako Udalaren Diru-laguntzen Ordenantza Orokorraren 46. artikulua eta harekin bat datorren gainontzeko araudiak xedatzen dutena aplikatuko da.

Jarduera bertan behera geldituko balitz, edo eskaeran jaso zenetik guztiz ezberdina baldin bada, jasotako diru-laguntza itzuli egin beharko da.

### **21. Erantzukizun eta zigor erregimena.**



**IBARRAKO UDALA**  
(Gipuzkoa)  
Euskal Herria

Oinarri hauetako diru-laguntza sistemaren pertsona fisiko eta juridiko onuradunak lege honen mende daude: Ibarra Udalaren Diru-laguntzen Ordenantza Orokorrean 50. artikuluan ezarritako arau-hausteei buruzko erantzukizun eta zigor erregimena

**22. Interpretazioa.**

Oinarri hauetan hutsuneak egonez gero, Ibarra Udalaren Diru-laguntzen Ordenantza Orokorrean eta azaroaren 17ko diru-laguntzei buruzko 38/2003 Lege Orokorrean araututakoa kontuan izango da.

**23. Araudi osagarria.**

Oinarri hauetan aintzat hartu ez den guztirako, Herri Erakundeei aplikatu beharreko araudiak dioena beteko da, bereziki, Diru-laguntzetarako azaroaren 17ko 38/2003 Lege Orokorrak eta uztailak 21eko 887/2006 Errege Dekretuaz onartuta legeak zehazten duen Arautegiak diotena hartuko dira kontuan.